



Leseprobe aus Scheffler und Donaldson, Der Grüffelo, ISBN 978-3-407-76215-3  
© 2019 Beltz & Gelberg in der Verlagsgruppe Beltz, Weinheim Basel  
[http://www.beltz.de/de/nc/verlagsgruppe-beltz/gesamtprogramm.html?  
isbn=978-3-407-76215-3](http://www.beltz.de/de/nc/verlagsgruppe-beltz/gesamtprogramm.html?isbn=978-3-407-76215-3)



En Muus jing em Bösch e bessje prumeneere.  
Hm, e Leckerche!, daach sich dä Fuss, un dät sich ameseere:  
»Tach, klein Muus, wo jeiht et dann hin?  
Bei mir jitt et hüeck Deilcher met Pudding.«  
»Dat es esu nett, leeve Fuss, ävver ich sach leider nit jo.  
Ich hann kein Zick, ich muss meddachs nohm Grüffelo.«



»Nohm Grüffelo? Sach, wat es dat för ne Kää!?«  
»Do kenns dä nit, jo bes do dann schää!«



Hä hät schreckliche Hauer



un klotzije Häng



un öm Diere zo käue schreckliche Zäng.«



»Wo triffs do dä dann?«

»Hee am Stein, öm et Eck.

Un Fussjulasch meddachs, do weed dä jeck.«

»Fussjulasch? Och nä«, däm Fuss woodt et plümerant.  
Un hä reef vill zo laut: »Ich muss bei ming Tant.«



»Nä, wat es dä bang, es dä beklopp?  
Der Grüffelo es doch nor en mingem Kopp.«